

www.e-rara.ch

Omnes quae extant D. Hieronymi Stridonensis lucubrationes

Hieronymus, Sophronius Eusebius

Basileae, [1536-1538]

Universitätsbibliothek Basel

Shelf Mark: FM1 II 1-6

Persistent Link: <https://doi.org/10.3931/e-rara-62470>

Reverendissimo in Christo patri ac d.d. Guilhelmo Waramo archiepiscopo Cantuariensi, totius Angliae primate & legato nato, Erasmus Roterodamus s.d.

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]



REVERENDISSIMO IN CHRISTO PATRI AC D. D.
Guilhelmo Vuaramo Archiepiscopo Cantuariensi, totius
Angliæ primati & legato nato, Erasmus Roterodamus
s. d.



IN hoc uolumen congeessimus libellos aut epistolas, quibus uir doctissimus diuersorum hominum quæstionibus satisfecit: non alium ordinem sequuti, quàm qui librorum est, unde quæstiones huiusmodi proferuntur. Paucula quædam, quæ partim huius generis non erant, partim ne speciem quidem habebant epistolarum, semouimus, alijs adiungenda tomis, quibus magis congruunt. Admiscuimus autem huic uolumini præfationes, quæ in uulgatis codicibus in frontispicio sacrorum uoluminum præfiguntur, quo posthac & emendatiores habeantur, & scholijs additis intelligibiliores, sed eas duntaxat quæ uere Hieronymi sunt. Sunt enim inter has *Ἰουδαιστικὰ* nonnullæ, quas adnotauimus quidem, uerum non adiecimus, ne quid hic esset alienum. Cæterum posteaquam in operis progressu uidimus uoluminis exiguitatem, adiecimus Hebraicas traditiones cum alijs nonnullis, quæ nihil habent epistolare. Volumen igitur hoc habet *τὰ ἑκκλησιαστικά*, hoc est, quæ ad enarrationem scripturæ diuinæ faciunt: quod quidem eo consilio uoluimus ultimum habere locum, quo magis congruat cum reliquis illius libris, quibus enarrat diuinæ scripturæ uolumina. Neq; uero mihi male quadrat, opinor, ordinis ratio. Primus uitam ac mores instituit, quam curam omnium primam esse conuenit. Proximus fidei habet defensionem, ultimus sacram eruditionem. Bene uiuere est omnium: pro fide pugnare iam non tyronis est, sed exercitati militis. Porro doctoris personam suscipere, eius est, cui tum morum integritas, tum eruditio non uulgaris auctoritatem conciliarit. Atq; id quidem temporis summa erat omnium episcoporum auctoritas, cui sæpe cesserit & Cæsarea maiestas, qua tum nihil in terris habebatur maius, quod multis argumentis ex ueterum monumentis docere licet: ac fortassis esset eadem nunc quoq; , ni paucorum fulgor cæterorum obscuraret splendorem: aut nisi pleriq; nunc ea negligenter, quibus olim episcopis apud populum tanta conciliabatur auctoritas. Ea sunt uitæ integritas, doctrina sacra, ac de omnibus benemerendi studium indefatigabile. At Hieronymus episcopus non erat, & tamen tantum dignitatis illi conciliarat insignis eruditio cum summa uitæ sanctimoniam coniuncta, quantum uix episcoporum ulli contigerat. Tanta enim erat apud omnes Hieronymiani nominis celebritas, ut ad unum ex omnibus totius orbis regionibus, uelut ad certissimum oraculum, concurreretur, si quid in literis diuinis aut obscurum esset, aut controuersum. Ad hunc uarijs de rebus quæstiones deferrebantur ex Italia, ex Hispania, ex Africa, ex Græcia, ex omnibus Galliarum partibus, ex extrema deniq; Germaniæ Getica, quæ sero cœpit mansuescere. Tamē parata fuit sacræ eruditionis uis & ubertas, ut & unus & senex tot argumentis sufficeret. Nec puduit eruditos episcopos à presbytero doceri, quorum præter alios erat Augustinus. Proinde commouit me, præsul absolutissime, quum incomparabilis uiri dignitas, tum tua uoluntas, quam grauissimo cum iudicio semper coniunctam esse scio: ut primam eruditionem satis elaboratam, recognosceremus: in quo negotio, sic nos gessimus, ut attentus lector facile deprehensurus sit, mihi laborem hunc nec sine causa, nec sine fructu susceptum fuisse: qui si candidus etiam erit & gratus, agnoscat se tuæ celsitudini, cui iam pridem debebat plurimum, nunc factum obstrictiorem, cuius benignitati penè totum debet acceptum.

ptum ferre, si quam utilitatem publicis studijs attulimus. Quod si talis Mœcenas iuueni
 contigisset, poterat ERASMVVS & inter felices numerari. Vtinam autem quod conati su-
 mus contingat, ut tui nominis memoria tam plausibilis sit apud posteros, quàm tui sanctis-
 simi mores promerentur omnium bonorum amorem. Scio tuam pietatem à nemine gra-
 tiam expectare benefactorum, prater quàm à Deo: qui sic ad benefaciendum omnibus na-
 tus es, ut beneficium accepisse uidearis, si quem beneficio iuueris. Scio tuam modestiam ni-
 hil minus appetere, quàm laudem apud homines: sed nullis maiore merito perfoluitur laus,
 quàm his qui laudem ab hominibus non expetunt. Dominus Iesus religiosam
 senectutem tuam publicis studijs & ecclesijs Britannicæ diu seruet

incolumem. Basileæ Nonis Iunijs, Anno

M D XXIII